



### **Chamonnas cumünalas - fittanza 2022**

In connex cun las fittanzas da chamonnas ha la suprastanza cumünala constatà cha la ledscha da chamonnas cuntegna dissonanzas. Impustüt in connex cun la dumonda da las fittanzas da chamonnas illas fracziuns da Brail e Zernez. Quist nun es tenor la suprastanza reglà congualabel cullas fracziuns da Susch e Lavin. Il gremi ha perquai decis da vulair sistir las fittanzas 2022 e da manar tras üna revisiun parziala da la ledscha manzunada. La tratta da büs-cha vain manada tras vers la mità dal on 2023, in seguit a basa d'üna ledscha revaisa.

### **Planisaziun locala - revisiun totala incl. nouva ledscha da fabrica - decisiun cusglianza giuridica**

La cumischiun da planisaziun cumünala es actualmaing landervia a prochatschar la revisiun totala da la planisaziun locala cun lura preparar eir üna nouva ledscha da fabrica. Sün proposta da la cumischiun da planisaziun ha la suprastanza cumünala surdat l'incumbenza al giurist Stefan Metzger sco cusgliader cumünal in quist proget.